

Script Of Evening Gojri News Bulletin 29 March 2024 at 1700 Hrs
ايوننگ گو جری نیو ز بلیٹن مو رخہ 29 مارچ 2024

يوه آکا شوانی جموں ہے عبدالمجیدتے طارق ابرارتیں خبر سنو۔ پہلاں خاص خاص خبر۔

- * 1۔ جموں سرینگر قومی شاہراہ ور ضلع رام بن مانہ بیٹری چشمہ غے کول پیش آیا اک دلوز سڑک حادثہ مانہ 10 افراد جاں بحق ہو گیا ہیں۔ صدر جمہو ریہ، وزیر اعظم، ڈاکٹر جتندر سنگھ اور لیفٹنٹ گورنر منوج سنہا نے اس حادثہ ور ڈونگا ڈکھ غو اظہار کیو ہے۔
- * 2۔ وزیر اعظم نریندرمودی نے کہیو ہے جے ذراعت صحت تے تعلیم غا شعباں مانہ ٹیکنالوجی کلیدی کردار ادا کر سکے۔
- * 3۔ چناؤ کمیشن غی سی ویجل ایپ غے ذریعے رائے دہندگان نے اُناسی ہزار تیں متی خلاف ورزیاں غی نشاندہی کی ہے۔
- * 4۔ تے اج پوری دُنیا مانہ حضرت عیسیٰ نانہ صلیب ور چاڑھن غی یاد مانہ گڈ فرائیڈے مناویوگیو۔ اس موقعہ ور وزیر اعظم نریندرمودی نے حضرت عیسیٰ غی قربانی نانہ یاد کیو ہے۔

خبراں غی تفصیل نال پہلاں عبدالمجید۔

Accident Ramban

ضلع رام بن مانہ جموں سرینگر قومی شاہراہ ور بیٹری چشمہ غے نزدیک بیٹی رات ایکن مسافر گڈی نانہ پیش آیا سڑک حادثہ غا نتیجہ مانہ کھٹ و کھٹ 10 مسافر ہلاک ہو گیا ہیں۔ آکا شوانی غا نامہ نگار نے خبر ٹوری ہے جے ادھی رات نانہ یاه گڈی ہزار فٹ ڈونگی کھائی مانہ پے گئی۔ حادثہ غے بعد مقامی حکام جائے حادثہ پُجی۔ او کھا پہاڑی علاقہ، اندھیرا تے لگاتار بارش جاری رہن غی وجہ نال فوری طور ور بچاؤ کاروائی شروع کرن مانہ دقت پیش آئی۔ اس مسافر گڈی مانہ زیا دہ تر مسافر دوجی ریا ستاں غا مزدور تھا جھیڑا کم کاج غا سلسلہ مانہ کشمیر در جا رہیا تھا۔ اجوں توڑی 10 لاشاں نانہ باز یاب کر لیو گیو ہے۔ بچاؤ کاروائی جاری ہیں تے مزید تفصیل غی اجوں اڑیک ہے۔ صدر جمہو ریہ درویدی مُرمو نے رام بن مانہ پیش آیا سڑک حادثہ مانہ انسانی جاناں غا نقصان ور ڈکھ غو اظہار کیو ہے۔ ڈاکٹر جتندر سنگھ نے وی رام بن مانہ ہوا سڑک حادثہ ور ڈکھ غو اظہار کیو ہے۔ لیفٹنٹ گورنر منوج سنہا نے تعزیتی پیغام مانہ حادثہ مانہ جانی نقصان ور افسوس غو اظہار کرتاں واں کہیو ہے جے انہاں نے ضلع انتظامیہ نانہ لوڑتی امداد مہیا کران غا حکم جاری کر دتا ہیں۔

PM Ex Gratia Accident

وزیر اعظم نریندرمودی نے جموں کشمیر غا ضلع رام بن مانہ اک مسافر گڈی نانہ پیش آیا حادثہ مانہ قیمتی جاناں غا نقصان ور ڈکھ غو اظہار کیو ہے تے وزیر اعظم غا قومی امدادی فنڈ تیں مہلوک غا گنہ نانہ 2 لکھ روپیا دین غو اعلان کیو ہے۔ اس حادثہ مانہ زخمی ہوا افراد نانہ وی 50 ہزار روپیا دتا جائیگا۔ وزیر اعظم نے اپنا پیغام مانہ متاثر گنباں نال تعزیت غو اظہار کرتاں واں زخمیاں غی تولاں بل ہون غی دُعا وی کی ہے۔

PM Bill Gates

وزیر اعظم نریندر مو دی نے کہیو ہے جے ڈیجیٹل عوامی بنیا دی ڈھانچو اپنا آپ مانہ خود اک بڑی ضرورت ہے تے سرکار تمام گرائیاں تک ڈیجیٹل سہولت آگے بدھارہی ہے۔ فلاح کار بل گیٹس نال ملکافات غے دوران وزیر اعظم نے کہیو جے ٹیکنالوجی ذراعت، صحت تے تعلیمی شعباں مانہ بڑو کردار ادا کر سکے۔ مصنوعی ذہانت و وزیر اعظم نے کہیو جے اس نانہ اک جادوئی آلہ غے طور و مناسب تربیت نال استعمال کیو جائے۔ تے سرکار لوکاں کو ٹیکنالوجی مانہ بھروسو بدھان تے تعاون نانہ لگاتار یقینی بنان غی وعدہ بند ہے۔

<><><><><><><><><><><><><><>

Govt Wheat

سرکار نے کنک غا ذخیرہ بارے تفصیل نانہ عام کرن نانہ لازمی قرار دین بارے حکم نامو جاری کیو ہے۔ امور صارفین خوراک تے عوامی تقسیم کاری وزارت نے اج کہیو ہے جے بیو پاریاں، تھوک فروشاں، بڑا سلسلہ غا خُرده فروشاں تے اس سلسلہ مانہ دوجا کاروباریاں نانہ 1 اپریل تیں آگلو حکم نامو جاری ہون توڑی گندم غا ذخیرہ بارے تفصیل نانہ تمام ریاستاں تے مرکزی انتظام آلا علاقاں مانہ عام کرنو ہوے گو۔ سرکار نے دسیو ہے جے یوہ فیصلو مجموعی طور و خوراک تحفظ تے ذخیرہ اندوزی تیں بچاؤ خاطر لیو گیو۔ چاول واسطے ایسو پہلاں تیں ہی کیو جا ریو ہے۔ اس بارے کاروبار واسطے آگر کسے نے اپنی انفرادیت وزارت غی طرفوں مہیا کیا پورٹل و درج نہیں کرائی ہے تاں اس نانہ لازمی اندراج کرانو چاہیے تے ہر جمعہ آلے تہاڑے چاول تے کنک غا ذخیرہ بارے تفصیل عام کرنو شروع کرے۔ ملک مانہ کنک تے چاول غی قیمتاں نانہ قابو مانہ رکھن تے ان غی دستیابی نانہ آسان بنان واسطے محکمو اس ور قریبی نظر رکھ ریو ہے۔

<><><><><><><><><><><><><><>

GeM Record

سرکاری ای جیم (جی ای ایم) نے رواں مالی سال نانہ 4 لکھ کروڑ روپیاں غی مجموعی تجارتی مالیت یعنی جی وی ایم غا باہدہ غا اندراج سنگ بند کیو۔ یاہ مالیت پچھلا مالی سال غا مقابلہ مانہ ڈگنی ہے۔ آج نویں دہلی مانہ میڈیا سنگ گل کرتاں وں جیم غا سی ای او پی کے سنگھ نے کہیو جے جیم پورٹل منفرد ڈیجیٹل صلاحیت رکھے اور شفافیت تے بے ضابطگیاں تیں پاک مارکیٹ مہیا کراوے۔ انہاں نے کہیو جے لگ بھگ 50 فیصد تیں زیا دہ مجموعی تجارتی مالیت خدمات غی خریداری تیں حاصل ہوئی ہے۔ جہیڑی کہ پچھلا مالی سال غی خدمات غی خریداری تیں حاصل ہون آلی مجموعی تجارتی مالیت گئی 205 فیصد تیں متی ہے۔ سنگھ نے کہیو جے ”وکل فار وکل“ یعنی مقامی چیزاں غا زیا دہ استعمال غو رُحان پیدا کرن، اک ضلعو اک پروڈیکٹ، سٹارٹ اپس رن وے جیسا اقدام مقامی تجارت نانہ باہدو دین واسطے مددگار ثابت وین گا۔ ایڈیشنل سیکریٹری کامرس اننت سوروپ وی اس موقع ور موجود تھا۔

<><><><><><><><><><><><><><>

Core Sector

ملک غی 8 بنیا دی صنعتاں غی مشترکہ درجہ بندی مانہ 3 مہیناں غے دوران اس سال فروری مانہ پچھلا سال غا مقابلہ مانہ 6 عشاریہ 7 فیصد پیداوار غو باہدو دیکھن مانہ آیو ہے۔ صنعت و حرفت غی وزارت نے کہیو ہے جے کوئیلہ، قدرتی گیس، سیمنٹ، سٹیل، خام تیل، بجلی اور ریفائنری مصنوعات مانہ فروری مہینہ مانہ مثبت پیداوار درج کی گئی ہے۔

اس درجہ بندی مانہہ اس سال جنوری مانہہ 4عشاریہ 1 فیصد اور گذشتہ سال دسمبر مانہہ 4عشاریہ 9 فیصد غی بہتری دیکھی گئی تھی۔

<><><><><><><><><><><><>

یہ خبر تم آکا شوانی جموں تیں سن رہیا ہیں خبراں غا باقی حصہ نال طارق ابرار۔

EC C Vigil App

چناؤ کمیشن غی سی ویجل ایپ اک کامیاب کوشش ہے تے تمام چناؤ چناؤ غا اعلان تیں بعد اجوں توڑی شکایات بارے ایپ غے ذریعے 79 ہزار تیں زیا دہ خلاف ورزیاں غی نشاندہی ہوئی ہے۔ چناؤ کمیشن نے دسیو ہے جے 99 فیصدی شکایات غو ازالو کیو گیو تے 89 فیصدی غے قریب غو نمیڑو 100 منٹاں غے اندر اندر کیو گیو۔ 58 ہزار 5 سو تیں زیا دہ شکایات غیر قانونی اشتہارات غے خلاف موصول ہوئیں تھیں۔ رقم ٹحفہ تے شراب غی تقسیم غے متعلق 14 سو تیں زیا دہ شکایات موصول ہوئیں۔ 3 فیصدی غے قریب شکایات جا نیداد غا جلیہ نانہہ بگاڑن بارے تے 1 ہزار غے قریب شکایات چناؤ مہم نانہہ مقررہ وقت تیں بعد جاری رکھن بارے درج کی گئی۔ واضع رہ جے سی ویجل ایپ چناؤ کمیشن غو آزادانہ تے شفاف طور ور چناؤ منعقد کران واسطے اک اہم قدم ہے۔

<><><><><><><><><><><><>

Good Friday

اج پوری دنیا مانہہ حضرت عیسیٰ نانہہ صلیب ور چاڑھیا جان غی یا د مانہہ گڈ فرائیڈے منایو گیو۔ یوہ دن ایسٹر سنڈے تیں پہلاں آلا جمعہ نانہہ منایو جائے۔ گڈ فرائیڈے غا موقع ور چرچاں اور گرجا گھراں مانہہ حضرت عیسیٰ نانہہ منن آلا دُعا کریں۔ اس دن نانہہ ہالی فرائیڈے، گریٹ فرائیڈے، بلیک فرائیڈے اور ایسٹر فرائیڈے غا طور ور وی جانویو جا ئے۔ اس تہاڑے لوگ خوشی اور سکون غی دُعا منگیں۔

<><><><><><><><><><><><>

PM Good Friday

وزیر اعظم نریندر مو دی نے گڈ فرائیڈے غا موقع ور اج حضرت عیسیٰ غی قربانی نانہہ یا د کیو۔ اک سماجی رابطہ پوسٹ مانہہ جناب مو دی نے کہیو جے اج غے تہاڑے ہم حضرت عیسیٰ غی قربانی نانہہ یا د کران تے امید کران جے ان غی تعلیمات مانہہ معاف کرن تے درد مندی غا سبق مانہہ ہر کوئی قوت غو درجو پا وے گو۔

<><><><><><><><><><><><>

SC Voter

ضلع سانبہ غی تحصیل بڑی براہمنہ غا ترور غا بسنیک 91 بہراں غا بزرگ ووٹر رتن چند شرما نے آئندہ لوک سبھا چناؤ مانہہ زیا دہ تیں زیا دہ تعداد مانہہ ووٹ پان واسطے لوکاں نانہہ ترغیب دیتاں واں اس طرح کہیو۔ بائیٹ۔

<><><><><><><><><><><><>

Central Observer- JK

چناؤ کمیشن نے تمام 5 لوک سبھا حلقاں واسطے 2 مرکزی مشاہدہ کار اور یوٹی چناؤ حکام غی طرفوں تمام پولینگ بوتھاں واسطے ما ٹکرو ابزرورز مقرر کرن غو فیصلو کیو ہے۔ مہارا آکا شوانی نمائندہ نے جانکاری دتی ہے جے مشاہدہ کاراں وچوں اک جنرل ابزرور اور دوجو اخراجا تی مشاہدہ کار غا طور ور اپنا اپنا فرائض انجام دیں گا۔ مرکزی ذمے آیا لوک سبھا حلقاں غو دورو کر غے آزاد اور صاف و شفاف چناؤ مشاہدہ کار اپنی یقینی بناویں غا۔ اسے طرح چیف الیکٹورل افسر جموں کشمیر یوٹی غا تمام 5 لوک سبھا

